

## **Tirol testira.**

**Besplatno. Dobrovoljno. Sveobuhvatno.**

**Budite dio ove još neviđene akcije solidarnosti u Tirolu. Od 4. do 6. decembra 2020. sve osobe koje žive u Tirolu mogu se besplatno i dobrovoljno testirati na koronu i tako saznati svoj status u trenutku testiranja. Što više ljudi učestvuje, to se više infekcija može otkriti i spriječiti mnoge druge. Protiv korone. Zajedno.**

### **Kad i gdje se odvija inicijativa "Tirol testira"?**

Inicijativa "Tirol testira" odvijat će se od 4. do 6. decembra 2020. Zavisno od veličine općine, općinama se preporučuje radno vrijeme stanica za testiranje od 7 do 17 sati. Općine će obavještavati kojim danima i u koje vrijeme će biti otvoreni lokali za testiranje. Više informacija i pregled svih lokala za testiranje možete naći na stranici [www.tiroltestet.at](http://www.tiroltestet.at).

### **Ko se može testirati?**

Učestvovati mogu sve osobe koje su nastanjene u Tirolu i koje su prijavljene u registar stanovništva. Testiranje je na raspolaganju i djeci od navršene 6. godine. Osobe koje su unutar posljednjih tri mjeseca imale pozitivan test ne trebaju učestvovati u testiranju.

### **Ko provodi testiranje na koronu?**

Za uzimanje uzoraka je ovlašteno isključivo medicinski obučeno osoblje. Testiranje traje samo nekoliko sekundi. Test je siguran i u pravilu je bezbolan.

### **Šta moram donijeti na testiranje?**

Poštom ćete dobiti formular za testiranje i Izjavu o zaštiti podataka – nije potrebna dodatna prijava. Pročitajte formulare i ispunite ih prethodno kod kuće. Ponesite ih sa sobom na testiranje jer se u njima nalazi barkod. Taj barkod se skenira na mjestu testiranja. Ne zaboravite ponijeti i identifikacijski dokument s fotografijom.

### **Zašto se trebam testirati?**

Zato što "masovno testiranje" širom države funkcionira samo ako učestvuje masa. Neki ljudi nemaju nikakve simptome korone, iako u sebi nose virus. Oni mogu zaraziti druge ljude koji mogu imati teži oblik bolesti. U najgorem slučaju moraju u bolnicu. Ako previše ljudi istovremeno dospije u bolnicu, to predstavlja opasnost po zdravstveni sistem. Kod ove akcije je riječ o otkrivanju zaraženosti koronom da bi se lanci zaraze mogli na vrijeme zaustaviti i ograničiti širenje virusa – za našu sigurnost.

### **Kako se provodi test na koronu?**

U inicijativi "Tirol testira" koriste se brzi antigenski testovi. Rezultat se dobija veoma brzo. Odmah nakon završetka ćete biti obaviješteni o rezultatu testiranja putem podataka za kontakt koje ste naveli.

### **Kad i gdje ću biti obaviješten(a) o rezultatu testiranja?**

Rezultat ćete dobiti unutar kratkog vremena nakon testiranja putem SMS-a/E-maila/telefona. Te podatke ste već naveli u ispunjenom formularu za testiranje.

### **Šta ako sam negativan/-na?**

Negativan rezultat testa je samo trenutno stanje. I dalje se svakako morate pridržavati preventivnih mjera: nositi masku za lice, držati razmak i ograničiti društvene kontakte. Ako se pojave simptomi, obratite se na broj 1450 ili svom doktoru putem telefona.

### **Šta ako sam pozitivan/-na?**

Pozitivan antigenski brzi test mora se provjeriti PCR testom. Tako ćete imati dvostruko osiguranje. Nakon pozitivnog antigenog testa automatski ćete dobiti SMS (ili E-mail odn. telefonski poziv) kojim dobijate ovlaštenje za ulazak u ulicu za pregled u Tirolo. Radno vrijeme ulice za pregled preko vikenda od 4. do 6. decembra uglavnom je pruduženo do 21 sat. Bit ćete obaviješteni o rezultatu PCR testa u najkraćem mogućem vremenu.